

ირმა დოლიძე

საქართველოს კულტურული
მემკვიდრეობის დაცვის ეროვნული
სააგენტო, სამუზეუმო მიმართულება
ხელოვნებათმცოდნეობის დოქტორი

ეკა კაჭარავა

საქართველოს კულტურული
მემკვიდრეობის დაცვის ეროვნული
სააგენტო, სამუზეუმო მიმართულება
ისტორიის დოქტორი

„ახალი კავალერიის სახლის“ („კავალერიის კორპუსი“) ისტორიული შენობის სამუზეუმოდ ადაპტაცია, მუზეუმბრაფიული პროგრამა, განვითარების ხედვა

I „ახალი კავალერიის სახლის“ ისტორიული შენობის სამუზეუმოდ ადაპტაციის მნიშვნელობა

ბორჯომი საქართველოს ბალნეოლოგიურ კურორტთა შორის გამორჩეული და მსოფლიო ბრენდის მინერალური წყლის – „ბორჯომი“ – სამშობლოა.

ბორჯომის ხეობას კულტურული ტურიზმის განვითარების თვალსაზრისით დიდი და მნიშვნელოვანი რესურსი გააჩნია. უბადლოა ბუნებრივი ლანდშაფტი, მრავლადაა კულტურული მემკვიდრეობის როგორც საკულტო, ისე საერო დანიშნულების ძეგლები.

გასათვალისწინებელია ტურისტული თვალსაზრისით ქალაქ ბორჯომის უაღრესად ხელსაყრელი მდებარეობა (ლიკანის კომპლექსი, ბორჯომ-ხარაგაულის ეროვნული პარკი, სამთო-სათხილამურო კურორტი ბაკურიანი, ვარძია, ახალციხის რაბათი და სამცხე-ჯავახეთის ისტორიული მუზეუმი, კურორტი აბასთუმანი).

ბორჯომი, ინფრასტრუქტურის სწორად დაგეგმვისა და განვითარების შემთხვევაში, ყოველმხრივ მიმზიდველ, საინტერესო, დიდი შესაძლებლობების მსოფლიო მასშტაბის საკურორტო ქალაქად იქცევა. ასეთ პერსპექტივას მას ჯერ კიდევ XIX-XX საუკუნეების მიჯნაზე უწინასწარმეტყველებდნენ და შეეიცარიისა და საფრანგეთის საუკეთესო სპა-კურორტების კონკურენტად მიიჩნევდნენ.

XIX-XX საუკუნეების მიჯნის ბორჯომი ეკონომიკური თვალსაზრისით ინტენსიურად ვითარდება. მასშტაბური ინდუსტრიული პროექტები თანამედროვეთა შეფასებით, გასაოცრად სწრაფი „ამერიკული ტემპით“ მიმდინარეობს.

ბორჯომში განხორციელებულ სამეცნიერო, ტექნიკურ, სამშენებლო თუ სამეურნეო

პროექტების მნიშვნელობაზე, მასშტაბსა და ხარისხზე მეტყველებს ისეთი სახელები, როგორიცაა გ. ვიფელი, ვ. სიმენსი, ფრ. მოლდენაუერი, ა. ზალცმანი, ლ. ბილფელდი, ლ. ბენუა, ვ. შენგარდტი, ე. შრეტერი, ვლ. შვეიერი, გ. ზაზემანი, პ. ვინოგრადო-ნიკიტინი, გ. სტრუვე, ე. ანდრეევსკი, ა. რემერტი.

ბორჯომის სამომავლო განვითარებისა და მიმზიდველობის უაღრესად მნიშვნელოვანი კომპონენტია საქართველოს კულტურული მემკვიდრეობის დაცვის ეროვნული სააგენტოს სამუზეუმო მიმართულების სამსახურის მიერ ინიცირებული პროექტი – „ბორჯომი – სამუზეუმო ქალაქი“. ეს არის ერთიანი ქრონოლოგიური და განსხვავებული თემატური სამუზეუმო ქსელის შექმნის უალტერნატივო შესაძლებლობა.

კონცეფციის – „ბორჯომი – სამუზეუმო ქალაქი“ – ერთ-ერთ უმთავრეს შემადგენელ რგოლს ბორჯომის ცენტრში მდებარე ე. ნ. „ახალი კავალერიის სახლის“ შენობის სამუზეუმო ადაპტაცია წარმოადგენს. აღნიშნულის მიზანშეწონილობას შემდეგი ფაქტორები განაპირობებს:

1. შენობისა და პარკის ისტორიულ-მემორიალური ხასიათი და უაღრესად მომგებიანი ადგილმდებარეობა;
2. „ახალი კავალერიის სახლის“-ს რეაბილიტაცია და სამუზეუმო ადაპტაცია – მნიშვნელოვანი კულტურული მემკვიდრეობის ძეგლის გადარჩენა-შენარჩუნება და ახალი ფუნქციური დატვირთვა (ძეგლის რეაბილიტაციის დაყოფნება მისი განადგურების ტოლფასია);
3. ბორჯომის მხარეთმცოდნეობის მუზეუმი – უძრავი კულტურული მემკვიდრეობის ძეგლი – არასამუზეუმო

დანიშნულების შენობაა. მასში დაცული მრავალფეროვანი კოლექციებისათვის არასაკმარისი საექსპოზიციო თუ საფონდო სივრცეებით, რაც შეუძლებელს ხდის კოლექციების სრულფასოვან ექსპონირებას;

4. „ახალი კავალერიის სახლი“ – გამოყენებითი ხელოვნების მუზეუმი – ქ. ბორჯომში შემეცნებით-კულტურულ-საგანმანათლებლო ცენტრი, სადაც შესაძლებელი იქნება: დროებითი გამოფენების, სამეცნიერო კონფერენციების, პრეზენტაციების, მემუარული და ლიტერატურული საღამოების, კლასიკური მუსიკის კონცერტების, ფილმების პრეზენტირება-რეტროსპექტივა, შესაბამისი პროფილის ლექციების, ოფიციალური მიღებების, შემეცნებით-საგანმანათლებლო პროგრამების ჩატარება-განხორციელება.
5. კომერციული მიზანშეწონილობა: „ახალი კავალერიის სახლის“ სამუზეუმო ადაპტაციის ფარგლებში მოაზრებული ვიზიტორთა ცენტრის ფუნქციონირება – ინფორმაცია-რეკლამით, ტურისტული სერვისების შეთავაზებით, ლიტერატურული კაფეთი, სასუვენირე სივრცეებით, მხარის კულტურული მემკვიდრეობის, ლირსშესანიშნაობების, პარკების, მინერალური წყლებისა და სხვა ადგილობრივი წარმოების პროდუქციის, სასტუმროთა ქსელის, სარესტორნო მომსახურების რეკლამირება-პოპულარიზაციით;
6. ახალი სამუშაო ადგილების შექმნა (გაზრდილი სამუზეუმო შტატი, გიდების მომსახურება/ტრანსპორტით უზრუნველყოფა, კაფე – სერვისი, კაფეს

მომარაგება – ადგილობრივი პროდუქტი და წარმოება);

7. ადგილობრივი რენეს ალორძინება, ოსტატების მოძიება-გამოვლენა, ხარისხიანი პროდუქციის დაკვეთა, რეალიზაციის ხელშეწყობა, ადგილობრივთა დასაქმება, მატერიალური პირობების გაუმჯობესება, ადგილობრივი რენეს გამოფენების მოწყობა, მათი ჩართვა ქვეყნის მასშტაბით მიმდინარე გამოფენა-ბაზრობებში, ნახალისება, მოტივირება;
8. „ახალი კავალერიის სახლის“ რეაბილიტაცია-სამუზეუმოდ ადაპტაციის მიზანშეწონილობის გათვალისწინებით, შედეგზე ორიენტირებული, მყარ სამეცნიერო-კვლევით საფუძველზე დამყარებული იდეა-კონცეფცია, განხორციელების გეგმა.
9. შედეგი: – რეაბილიტირებული „ახალი კავალერიის სახლი“ – გამოყენებით-დეკორატიული ხელოვნების მრავალფუნქციური, თანამედროვე ინტერაქტიული მუზეუმი, ეროვნული მნიშვნელობის შემეცნებით-კულტურულ-საგანმანათლებლო ცენტრი; – მხარის ეკონომიკური გაძლიერების საშუალება და ერთ-ერთი კომპონენტი (სამუშაო ადგილები, ტურიზმის ზრდა-განვითარება, სარესტორნო და სასტუმრო ბიზნესის განვითარების ხელშეწყობა, ადგილობრივი პროდუქციის რეალიზაცია, კურორტის პოპულარიზაცია). – ქვეყნის ეკონომიკური გაძლიერების ხელშეწყობა და პოპულარიზაცია.

II „ახალი კავალერიის სახლის“ („კავალერიის კორპუსი“) შენობის საქართველოს კულტურული მემკვიდრეობის დაცვის ეროვნული სააგენტოსათვის გადმოცემა, სააგენტოსა და სააგენტოს სამუზეუმო მიმართულების სამსახურის მიერ განხორციელებული ღონისძიებები

ბორჯომის მხარეთმცოდნეობის მუზეუმი საქართველოს კულტურული მემკვიდრეობის დაცვის ეროვნული სააგენტოს სტრუქტურაში გაერთიანებული თექვსმეტი მუზეუმიდან და მუზეუმ-ნაკრძალიდან ერთ-ერთია. 1926 წელს დაარსებული მუზეუმი 1938 წლიდან განთავსებულია გერმანელი არქიტექტორის, ვ. შვეიერის მიერ დაპროექტებულ და 1890 წელს აშენებულ ნაგებობაში, რომელიც ფუნქციურად ბორჯომ-

ში, რომანოვების მამულის კანცელარიისათვის იყო გათვალისწინებული. ამდენად, სადღესოდ ბორჯომის მუზეუმი, არასამუზეუმო დანიშნულების შენობაშია განთავსებული.


ბორჯომის მხარეთმცოდნეობის მუზეუმი გამორჩეულია მასში დაცული მრავალფეროვანი (მინერალოგია, არქეოლოგია, ეთნოლოგია, ნუმიზმატიკა, საბუნებისმეტყველო, გამოყენებითი, სახვითი და საარქივო, ნიგ-


ნადი ფონდი), ისტორიული, მხატვრული, მე-მორიალური, დოკუმენტური მნიშვნელობის მქონე ექსპონატებით. კოლექციების ნაირგვარობისა და სიმდიდრის გათვალისწინებით, შენობის სივრცის სიმცირე და არასამუზეუმო პროექტირება, ხელისშემშლელია აქ დაცული მასალების სრულფასოვანი, თანამედროვე ექსპონირებისათვის.

ზემოაღნიშნული პრობლემის ოპტიმალური მოგვარების საშუალებად, სააგენტოს მუზეუმებისა და მუზეუმ-ნაკრძალების სამსახურის მიერ მიჩნეული იყო ქ. ბორჯომის ცენტრში, მ. კოსტავას სახელობის ბაღში (ყოფილი ადოლფ რემერტის სახელობის პარკი), ყოფილი „ახალი კავალერიის სახლის“ (შემდგომში, XX საუკუნის 30-იანი წლებიდან პოლიკლინიკა და დისპანსერი) შენობის საქართველოს კულტურული მემკვიდრეობის დაცვის ეროვნული სააგენტოსათვის გადმოცემა, ამ შენობის რეაბილიტაცია და სამუზეუმო ადაპტაცია.

საქართველოს კულტურის, ძეგლთა დაცვისა და სპორტის მინისტრის 2006 წლის 12 სექტემბრის №3/312 ბრძანებით „ახალი კავალერიის სახლს“ მინიჭებული აქვს კულტურული მემკვიდრეობის ძეგლის ნიშნის მქონე ობიექტის სტატუსი, რაც საქართველოს კანონმდებლობით მის დაცვა-შენარჩუნებას გულისხმობს.

„ახალი კავალერიის სახლს“ საქართველოს კულტურის, ძეგლთა დაცვისა და სპორტის მინისტრის 2010 წლის 2 ივნისის №3/87 ბრძანებით მინიჭებული აქვს კულტურული მემკვიდრეობის უძრავი ძეგლის სტატუსი.






სსიპ „სახელმწიფო ქონების ეროვნული სააგენტოს“ თავმჯდომარის 2014 წლის 17 სექტემბრის №1/1-2057 ბრძანებით „ახალი კავალერიის სახლი“, დამატებითი ქონების სახით, საკუთრებაში გადაეცა ბორჯომის მუნიციპალიტეტს.

2015 წლის 6 თებერვალს, საქართველოს კულტურული მემკვიდრეობის დაცვის ეროვნული სააგენტოს მუზეუმებისა და მუზეუმ-ნაკრძალების სამსახურმა „**ახალი კავალერიის სახლი**“-ს, საქართველოს კულტურული მემკვიდრეობის დაცვის ეროვნული სააგენტოსათვის გადმოცემის, შენობის რეაბილიტაციისა და სამუზეუმო ადაპტაციის ინიციატივით მიმართა სააგენტოს გენერ-

ალურ დირექტორს, ბატონ ნიკოლოზ ანთიძეს. გენერალური დირექტორის თანხმობით, საქართველოს კულტურული მემკვიდრეობის დაცვის ეროვნული სააგენტოს თხოვნის საფუძველზე, ქ. ბორჯომის ცენტრში, ადგილ რემონტის სახელობის ისტორიულ პარკში (დღეს) ზ. კოსტავას სახელობის ბაღი) მდებარე XIX საუკუნის შენობა – **„ახალი კავალერიის სახლი“** – შესაბამისი იურიდიული პროცედურების განხორციელების შემდგომ, 2015 წელსვე გადაეცა საქართველოს კულტურული მემკვიდრეობის დაცვის ეროვნულ სააგენტოს. იმ დროისათვის შენობა უფუნქციო იყო. ძეგლის რეაბილიტაციის დაწყებნა, კი მის განადგურებას უტოლდებოდა.

„ახალი კავალერიის სახლის“ თანამედროვე, საინტერესო სამუზეუმო სივრცედ ადაპტაცია მნიშვნელოვან ფინანსურ სახსრებთანაა დაკავშირებული, რაც სააგენტოს შესაძლებლობას აღემატება. შენობის გადმოცემისთანადაა, სააგენტო სახსრების მოძიებისათვის ზრუნვას შეუდგა. ამ მიზნით, საქართველოს კულტურული მემკვიდრეობის დაცვის ეროვნული სააგენტოს გენერალურმა დირექტორმა წერილთი მიმართა მუნიციპალური განვითარების ფონდს. წერილში აისახა „ახალი კავალერიის სახლის“ შენობის სტატუსი, არსებული ძვირ მდგომარეობა და შენობის გადასარჩენად დროული ჩარევის აუცილებლობა, ასევე, მისი შემდგომი სამუზეუმო დატვირთვის მნიშვნელობა. წერილში აღნიშნული იყო, რომ რეაბილიტაციისა და სამუზეუმო ადაპტაციის შედეგად გადარჩებოდა კულტურული მემკვიდრეობის მნიშვნელოვანი ძეგლი, რომელიც, ამავედროულად, იქცეოდა მხარის განვითარებისათვის ერთ-ერთ მნიშვნელოვან ფაქტორად, რენტაბელურ მიუზეუმად და შემეცნებით-კულტურულ-საგანმანათლებლო (ცენტრად.





სააგენტო ფონდს მიმართავდა თხოვნით, განეხილათ „ახალი კავალერიის სახლის“ შენობის რეაბილიტაციის ნინადადება. ასევე, საკითხის დადებითად გადაწყვეტის შემთხვევაში, სააგენტო, თავის მხრივ, პროცესის მყისიერად დაწყების შზაობას გამოთქვამდა, რაც გულისხმობდა შენობის რეაბილიტაცია-ადაპტაციის პროექტირებისათვის მომზადებულ ტექნიკურ დავალებას, წინმსწრებად შემუშავებულ ფუნქციურ ზონირებას, პირველად აზომვით ნახაზებს, არქიტექტურული ძეგლის ლაზერულ სკანირებას და, რაც მთავარია, გამოყენებითი ხელოვნების მუზეუმის მუზეოგრაფიულ კონცეფციასა და საექსპოზიციო გეგმას.


ამ დროისათვის რეგიონალური განვითარების მესამე პროექტის ფარგლებში დაგეგმილი იყო ბორჯომის მხარეთმცოდნეობის მუზეუმის რეაბილიტაცია. 2016 წლისათვის, ბორჯომის მხარეთმცოდნეობის მუზეუმის არსებული სარეაბილიტაციო პროექტის


(2014 წ.) კორექტირების შემდგომ, გადაწყდა მუნიციპალური განვითარების ფონდისა და მსოფლიო ბანკის თანამონაწილეობით სარეაბილიტაციო სამუშაოების დაწყება. სამუშაო-აროდ, ორივე შენობის – „ახალი კავალერიის სახლის“ და ბორჯომის მხარეთმცოდნეობის მუზეუმის – სარეაბილიტაციო პროექტების დაფინანსება მუნიციპალური განვითარების ფონდისა და მსოფლიო ბანკის მიერ ვერ მოხერხდა.

ასეთ ვითარებაში სააგენტომ გადაწყვიტა ბორჯომის მხარეთმცოდნეობის მუზეუმის სარეაბილიტაციო პროექტის განხორციელების დროებით გადადება და მოამზადა დასა-

ბუთება მისი „ახალი კავალერიის სახლის“ რეაბილიტაციით ჩანაცვლების თაობაზე.

ადგილმონაცვლეობის უმთავრესი არგუმენტი უძრავი კულტურული მემკვიდრეობის ძეგლის სტატუსის მქონე „ახალი კავალერიის სახლის“ უმძიმესი მდგომარეობა და ისტორიული შენობის განადგურების საფრთხე იყო. ბორჯომის მხარეთმცოდნეობის მუზეუმის შენობა მსგავსი საფრთხის წინაშე არ იდგა და მომავალში სააგენტო საკუთარი ძალებით შეძლებდა მის ეტაპობრივ რეაბილიტაციას, რაც ფინანსური თვალსაზრისით, „ახალი კავალერიის სახლის“ შემთხვევაში, შეუძლებელი იყო.





მუნიციპალური განვითარების ფონდა და მსოფლიო ბანკს სააგენტოს მხრივ მიენოდა შესაბამისი არგუმენტაცია, მუზეუმებისა და მუზეუმ-ნაკრძალების სამსახურის მიერ მომზადებული ერთიანი კონცეფციით – „ბორჯომი – სამუზეუმო ქალაქი“, რომელიც ბორჯომში ხუთი მუზეუმის შექმნას მოიაზრებს. ესენია:

ბორჯომის მხარის ისტორიის მუზეუმი (ბორჯომის მხარეთმცოდნეობის მუზეუმის შენობა), გამოყენებითი ხელოვნების მუზეუმი (საიმპერატორო კოლექცია „ახალი კავალერიის სახლის“ შენობა), სასახლე-მუზეუმი, პარკი და მრავალფუნქციური კომპლექსი (ლიკანის სასახლე და ტყე-პარკი), მინერალური წყლის „ბორჯომი“ ისტორიის მუზეუმი (ბორჯომის მინერალური წყლის

ჩამოსხმელი ქარხნის შენობა), ინდუსტრიული მემკვიდრეობის მუზეუმი (მოლდენკაუერის პიდროლექტროსადგურის შენობა) და საიტი ლია ცის ქვეშ – ბორჯომის რკინიგზა. დოკუმენტში სრულადაა ასახული მუზეუმებისა და მუზეუმ-ნაკრძალების სამსახურის (ი. დოლიძე, ე. კაჭარაძე) მიერ დამუშავებული ბორჯომის მომავალი კულტურულ-გეოგრაფიული განვითარების კონცეპტუალური ხედვა.

– ამ პროექტების განხორციელებისა და ტურისტულ მარშრუტში ინტეგრირების, სწორი რეკლამირების შემთხვევაში, ბორჯომის ხეობაში მივიღებთ ხუთ უმნიშვნელოვანეს, საინტერესო, მაღალშემოსავლიან მუზეუმს/სამუზეუმო კომპლექსს და საიტს. სასურველია ასევე, განხორციელდეს ისტორიული პარკების –

მინერალური წყლის პარკის და რემერტის პარკის რეკონსტრუქცია-რეაბილიტაცია. რეაბილიტაციისა და ისტორიულად არგუმენტირებული რეკონსტრუქციის შემთხვევაში, თითოეული ეს პარკი, მათში განთავსებული, სამუზეუმოდ ადაპტირებული ისტორიული შენობებით, ბორჯომში პროექტების განმახორციელებელი პირების (მეტწილად ევროპული წარმომადგენლების მეცნიერების, არქიტექტორ-ინჟინერების) მაღალ სვეტებზე დადგმული მცირე ზომის ფიგურების სპეციალური აპლიკაციებით ან საინფორმაციო დაფებით გარკვეული სიმეტრიით განთავსებით მიმზიდველ და რენტაბელურ ტურისტულ ცენტრებად იქცევა.

მუნიციპალური განვითარების ფონდმა და მსოფლიო ბანკმა გაიზიარა სააგენტოს ხედვა და დაიწყო ერთობლივი მუშაობა „ბორჯომი – სამუზეუმო ქალაქი“ კონცეფციის განხორციელებისათვის.

ბორჯომის „ახალი კავალერიის სახლის“ შენობის აღდგენისა და მისი სამუზეუმოდ ადაპტაციის პროექტის მომზადებაზე გამოცხადდა ტენდერი. მასში გამარჯვებულად გამოვლინდა ერთობლივი სანარმო ა(ა)იპ. ხელოვნების საერთაშორისო ცენტრი და ICO-MOS საქართველო (პროექტის ხელმძღვანელი – მ. დვალისვილი, მთავარი არქიტექტორი – მ. ბოჭორიძე, კოორდინატორი – მ. შავიშვილი).

მომზადდა სათანადო საპროექტო დოკუმენტაცია და განსახილველად წარედგინა საქართველოს კულტურული მემკვიდრეობის დაცვის ეროვნულ სააგენტოსთან არსებულ კულტურული მემკვიდრეობის დაცვის საბჭოს. წარმოდგენილ დოკუმენტაციას დადებითი შეფასება მისცა.

2018 წელს დასრულდა „ახალი კავალერიის სახლის“ რეაბილიტაციისა და სამუზეუმოდ ადაპტაციის პროექტზე მუშაობა. შემდგომი ეტაპი უკვე ფიზიკური სამუშაოების განხორციელებაა.



მუზეუმის ევაკუაციისთვის მზადების პროცესი (დასავლეთ ევროპული კოლექციის ფონდის მცველი მ. ჭელიძე, რუსული კოლექციის ფონდის მცველი მ. მაცაბერიძე).


ამ დროისათვის საქართველოს ეროვნული მუზეუმის შ. ამირანაშვილის სახელობის მუზეუმში კვლევითი სამუშაოები მიმდინარეობს ორი ძირითადი მიმართულებით: ბორჯომ-ლიკანის სასახლეების სახვითი ხელოვნების ევროპულ და რუსულ კოლექციებზე მუშაობს ირმა დოლიძე; გამოყენებითი ხელოვნების აღმოსავლური, ქართული,

ევროპული და რუსული კოლექციებზე (მასალა – ფაიფური, ქაშანური, კერამიკა, მინა, ნახევრადძვირფასი ქვა, ხე, ლითონი) – ეკა კაჭარავა. ამ კვლევების პირველადი შედეგები ასახულია პუბლიკაციებში (იხ. ი. დოლიძე, კოლექციათა ატრიბუციის საკითხისათვის – ლიკანის სასახლე, კრებული „საერთაშორისო კონფერენციის „არქიტექტონიკა, ნეკროტომიკა – ტენდენციები და გამოწვევები“, თბ. 2018, გვ. 459-479);

ჩატარდა ზემოაღნიშნული კოლექციების პროფესიონალური ფოტოფიქსაცია

(შალვა ლეჭავაძე, ივანე ყენია, ანა ყიფიანი). ამ დროისათვის მოძიებულია გამოყენებითი ხელოვნების კოლექციების 200-ზე მეტი ექსპონატი (მათი რაოდენობა შესაძლოა 250-300 ექსპონატამდე გაიზარდოს). კვლევის შედეგები მნიშვნელოვნად ცვლის არსებულ ვითარებას საექსპოზიციო სივრცის განაწილებისა და დიზაინის თვალსაზრისით;

- საქართველოს კულტურული მემკვიდრეობის დაცვის ეროვნული სააგენტოსა და კომპანია „DS ბორჯომი საქართველოს“ ფინანსური მხარდაჭერით მომზადდა ბორჯომისა და ლიკანის გამოყენებითი ხელოვნების კოლექციათა ამსახველი ორი სამუზეუმო ფილმი;
- სააგენტოს დაკვეთით გაკეთდა „ახალი კავალერიის სახლის“ ლაზერული სკანირება (შემსრულებელი ააიპ „ინჟინერული აზრი“, 2016 წ.
- მომზადდა „ახალი კავალერიის სახლის“ – მომავალში გამოყენებითი ხელოვნების მუზეუმის – პირველადი საექსპოზიციო კონცეფცია, რომლის მიხედვითაც დამუშავდა ფუნქციური ზონირების სქემა (ი. დოლიძე, ე. კაჭარავა) და, შესაბამისად, აისახა სამუზეუმო ადაპტაციის პროექტის ტექნიკურ დავალებებში. მომზადდა, ასევე, „ახალი კავალერიის სახლის“, როგორც თანამედროვე მუზეუმის, განვითარების სამომავლო ხედვა და პროექტირების დროს გასათვალისწინებელი რეკომენდაციები.



ტემით და მრავალფეროვანი კოლექციების ისტორიულ გარემოში ექსპონირების საუკეთესო შესაძლებლობით. ამ გადწყვეტილებით ბორჯომს შეემატება მნიშვნელოვანი კულტურულ-საგანმანათლებლო ცენტრი. მზე-

დევლობაშია მისაღები ის ფაქტორიც, რომ სადღეისოდ ქალაქს არ გააჩნია კულტურულ-საგანმანათლებლო, საგამოფენო, ოფიციალური მიღებების თანამედროვე მოთხოვნების დამაკმაყოფილებელი სივრცე.

IV განახლებული საექსპოზიციო კონცეფცია და ფუნქციური ზონირება

„ახალი კავალერიის სახლის“ პირველადი კონცეფციები გამოქვეყნდა საქართველოს კულტურული მემკვიდრეობის დაცვის ეროვნული სააგენტოს 2015-2016 წლების სამეცნიერო კონფერენციათა კრებულებში **„მუზეუმი და კულტურული მემკვიდრეობა“**.

შენობის კვლევის პროცესის დროს გამოვლენილმა ახალმა სპეციფიკურმა გარემოებებმა (რკინის ხიდის დემონტაჟის აუცილებლობა, პარადული შესასვლელის ხის შუშაბანდის რესტავრაცია-რეაბილიტაციის გამორიცხვა, სასარდაფე სართულის არარსებობა, რეაბილიტაციის პროექტით მზიდი კედლების სისქისა და განლაგების გათვალისწინება, და სხვ.), ასევე, ბორჯომისა და ლიკანის სასახლეების კოლექციითა მოძიებისა და კვლევის წინასწარულმა შედეგებმა, საარქივო მასალების საფუძველზე მოპოვებულმა დამატებითმა ინფორმაციამ (დოკუმენტები, ესკიზები), პირველად სამუზეუმო კონცეფციასა და მომავალი მუზეუმის ფუნქციურ ზონირებაში გარკვეული ცვლილებების შეტანა განაპირობა. აღნიშნულის გამო, ამ ცვლილებების გათვალისწინებით ეაქვეყნებთ **„ახალი კავალერიის სახლის“** ჩვენული კონცეფციისა და განვითარების ხედვის განახლებულ ვერსიას.

I სართული

შენობის წრიული კოშკი სრულად დაიტვირთება კიბის უჯრედით, სადაც განთავსდება ხვეული კიბე ხისა და ლითონის მოაჯირით (ნიშუში – ლიკანის სასახლის კიბის ესკიზები).

1.1 საზოგადოებრივ-საინფორმაციო სივრცე, სალარო, სასუვენირე დახლი (57.38 მ²)

- > საინფორმაციო;
- > სალარო;
- > ნიგნების, სუვენირებისა და ნაკეთობათა დახლი-მაღაზია;
- > გარდერობი (ტანსაცმლის საკიდი, ხელბარგისა და პირადი ნივთების შესანახი სათავსო – 18.84 მ²);
- > საპირფარეო (ძველებური დიზაინი, ადაპტირებული შშმ პირთათვის – 18.28მ²)
- > ადმინისტრაცია (18.58 მ²);
- > გიდი, კურატორი, ზედამხედველი (17.32 მ²);
- > დაცვის ოთახი (11.70 მ²);
- > ლიფტი შშმ პირთათვის;

1.2 ვიზიტორთა მომსახურება – საზოგადოებრივი სივრცე, საინფორმაციო, სალარო, სასუვენირე დახლი (57.38 მ²)

მუზეუმის მიზანია მაქსიმალურად გაზარდოს ვიზიტორთა რაოდენობა. შესაბამისი სერვისების შეთავაზებით ხელმისაწვდომი გახადოს, არა მხოლოდ „ახალი კავალერიის სახლის“ სამუზეუმო სივრცეში დაცული კოლექციები, არამედ ვიზიტორებს ინფორმაცია მიაწოდოს, პოპულარიზაცია გაუწიოს ზოგადად მხარის ღირსშესანიშნაობებს, სხვა მუზეუმებს, კულტურული მემკვიდრეობის ძეგლებს, ტურისტულ ინფრასტრუქტურას (სასტუმროები, სპა სერვისები, მინერალური წყალი „ბორჯომი“, კეების ობიექტები, სათხილამურო კურორტი ბაკურიანი, აბასთუმანი და სხვ.), მიმდინარე კულტურულ თუ საგანმანათლებლო ღონისძიებებს, შექმნას ერთგვარი დამაკავშირებელი რგოლი შიდა ქართლსა და სამხრეთ საქართველოს ტურისტულ სივრცეებს შორის. ამ მიზნით, მუზეუმის საინფორმაციო სივრცეში სასურველია დიდი ეკრანის განთავსება – აუდიო-ვიზუალური საშუალებით ვიზიტორი გაეცნობა ზემოაღნიშნულ ინფორმაციას.

ასევე, ამავე ეკრანის მეშვეობით შესაძლებელი იქნება ტურისტული სარეკლამო რგოლების რეტროსპექტივა, რაც მუზეუმს დამატებით შემოსავლს შესძენს.

საინფორმაციო სივრცეში შესაძლებლად გვესახება მხარის კულტურული მემკვიდრეობის ძეგლების გასაცნობად, გიდეებისა და სატრანსპორტო მომსახურების შეთავაზება, რაც ასევე დამატებითი, შემოსავლის წყაროა.

* ეკა კაჭარავა, ქართული ბრენდი „ბორჯომი“ – გამოფენის პროექტის პრეზენტაცია, საკონფერენციო კრებული **„მუზეუმი და კულტურული მემკვიდრეობა, II“**, საქართველოს კულტურული მემკვიდრეობის დაცვის ეროვნული სააგენტო, თბ., 2015, გვ. 225-226

ირმა დოლიძე, ეკა კაჭარავა, იდეა-კონცეფცია – „ბორჯომი სამუზეუმო ქალაქი“, საკონფერენციო კრებული **„მუზეუმი და კულტურული მემკვიდრეობა, III“**, საქართველოს კულტურული მემკვიდრეობის დაცვის ეროვნული სააგენტო, თბ., 2016, გვ. 284-287

საინფორმაციო სივრცეში გათვალისწინებული უნდა იყოს თანამედროვე დიზაინის სამუზეუმო სივრცის შესაბამისი სკამი (უბი) და სასუვენირე დახლი.

სასურველია ამ სივრცის ცოცხალი ფოთლოვანი მცენარეებით გაფორმება.

(მაგ. ფინიკის პალმა, ფიკუსი).

1.3 სამუზეუმო კაფე (55.88 მ²), სუვენირებისა და წიგნების მაღაზია გარე სივრცეში განვითარების პერსპექტივით

„ახალი კავალერიის სახლის“ კომერციული თვალსაზრისით უაღრესად მოსახერხებელი ადგილმდებარეობის გათვალისწინებით (ცენტრი, ისტორიული პარკი), სასურველია მუზეუმში განთავსდეს ე. წ. ლიტერატურული კაფეს ტიპის სამუზეუმო კაფე. ინტერიერი, აქსესუარები, მომსახურება (პერფორმანსი), უნდა შეესაბამებოდეს ეპოქასა და მუზეუმის არქიტექტურულ სტილს (XIX-XX საუკუნეების მიჯნა).

სასურველია მაქსიმალურად კომფორტული და სასიამოვნო გარემოს შექმნა (ინტერნეტი, მომსახურება, სეზონურად სივრცე-სივრცე). გარემოში ვიზიტორს უნდა გაუჩინოს მუზეუმში უფრო მეტი დროის გატარების სურვილი. რაც გაზრდის კვებითი მომსახურების მოთხოვნას, ასევე, კაფეში განთავსებულ წიგნებისა და სუვენირების მაღაზიებში (ასევე გაიყიდება ღვინო, ქართული ტკბილეული, ადგილობრივი ოსტატების მიერ შექმნილი პროდუქცია) სარეალიზაციო პროდუქციის უკეთ გაცნობისა და რეალიზაციის შესაძლებლობას.

გასათვალისწინებელია ის ფაქტორიც, რომ კაფით სარგებლობა მისაწვდომი იქნება არა მხოლოდ მუზეუმის დამთვალიერებელთათვის, არამედ ყველა სხვა ტიპის კლიენტისათვის, ვინაიდან კაფეს დამოუკიდებელი შესასვლელი აქვს.

კაფე, სასუვენირე და წიგნების მაღაზია შექმნის ახალ სამუშაო ადგილებს რეგიონში (მომსახურე პერსონალი, ადგილობრივი კვების პროდუქტის გამოყენება, კვების პროდუქტების (ნამცხვარი, ტკბილეული) დამზადება).

მუზეუმში კარგი საშუალებაა ხარისხიანი ადგილობრივი რწევის პროდუქციის რეალიზაციისათვის, ამით მნიშვნელოვნად შეეწყობა ხელი ადგილობრივი რწევის განვითარებასა და აღორძინებას.

ყოველივე ეს ერთიანობაში, გაზრდის მუზეუმისადმი ინტერესს და, შესაბამისად, დამთვალიერებლის რაოდენობას, მნიშვნელოვნად შეუწყობს ხელს მის პოპულარიზაციას.

სამუზეუმო კაფე ადგილობრივთა დასაქმებისა და მატერიალური კეთილდღეობის ზრდის ერთ-ერთ წყაროდ იქცევა, რაც თავის მხრივ ხელს შეუწყობს მხარის ეკონომიკურ განვითარებას.

ამასთანავე, გასათვალისწინებელია მისი გარე სივრცეში განვითარების შესაძლებლობა (შესაბამისი პირობების შექმნით არასეზონური, არამედ მთელი წლის განმავლობაში) მას უფრო დატვირთულს გახდის (განს. მცირეწლოვან ბავშვებიანი ვიზიტორებისათვის).

1.4 მუზეუმის გარე სივრცე (ად. რემერტის სახელობის ისტორიული პარკის ტერიტორია)

ეპოქა და სტილი უნდა იყოს გათვალისწინებული გარე სივრცეშიც.

> სივრცის შემოსაზღვრა;

> მუზეუმის წინ პარკინგის მოწყობა;

> ბაღის მოწყობა-გამწვანება, ბაღის სკამები, ეპოქის შესაბამისი გარე განათება (ნიმუში – ლიკანის სასახლის ესკიზი);

> მუზეუმის კაფეს გარე სივრცეში განვითარება (პარკის ფანჯატურები – მსგავსი ტიპის, გარეული ვაზით დაბურული ნიმუში – მიხეილ რომანოვის სასახლის პარკის ფანჯატურია (ან მაგიდეები ქოლგებით), გარე სივრცის გამათბობლები, მიზანი – კაფე არ იყოს მხოლოდ სეზონურად დატვირთული).

> დამთვალიერებლის მიზიდვის მიზნით კლასიკური მუსიკით გაფორმება (გარე სივრცეიდანვე).

> ეფექტური, მიმზიდველი მუზეუმის მანიშნის დამზადება-მონტაჟი;

> გარე სივრცეში შესაძლებელია ეტილის ან ძველი ავტომობილის განთავსება (ბორჯომის ფოტომასალის ანალოგები), რაც გაზრდის მოზარდთა ინტერესს, ტურისტებს გაუჩნდებათ მუზეუმთან ფოტოს გადაღების სურვილი, რაც ხელს შეუწყობს მუზეუმის პოპულარიზაციას.

> სასურველია ად. რემერტის პარკის ავთენტური იერ-სახის აღდგენა, მასში ქანდაკებების (ბორჯომში XIX-XX საუკუნეების მიჯნაზე განხორციელებული პროექტების ავტორ-შემოქმედთა (მაგ. გ. ეიფელი, ე. სიმენსი, ფრ. მოლდენჰაუერი, ა. ზალცმანი, ლ. ბილფელდი, ლ. ბენუა, ე. შენგარდტი, ე. შრეტერი, ვლ. შეიერი, გ. ზაზმანი, პ. ვინოგრადოვი-ნიკიტინი, გ. სტრუვე, ე. ანდრეევსკი, ა. რემერტი) მაღალ სვეტებზე დადგმული მცირე ზომის ფიგურების გარკვეული სიმეტრიით განთავსება. ქანდაკებათა სპეციალურ აპლიკაციებთან დაკავშირების შემდეგ, ირთვება ხმოვანი მონოლოგი, რომლის შინაარსიც ასახავს ინფორმაციას კონკრეტული ისტორიული

პირისა და მისი მოღვაწეობის შესახებ.
(მაგ. ადოლფ რემერტის ფიგურა –
ადოლფ რემერტი თავად ეცნობა
ვიზიტორს და უამბობს ბორჯომში
მოღვაწეობის ისტორიას).

1.5 საექსპოზიციო სივრცე დროებითი გამოფენებისათვის (44.12 მ²)

მუზეუმის დროებითი გამოფენების სივრცე-
ები ერთმანეთს ჩაენაცვლება კურორტ ბორ-
ჯომთან დაკავშირებული სხვადასხვა სახის
საინტერესო გამოფენებით. კერძოდ, ბორჯომის
მხარეთმცოდნეობის მუზეუმის, საქართველოს
ეროვნული მუზეუმის, ეროვნული არქივის
(ფოტო, ფონო, პროექტები, ესკიზები) კოლექ-
ციები, ასევე თემატური (კურორტი ბორ-
ჯომი, ბორჯომის არქიტექტურა, ევროპელი
არქიტექტორები ბორჯომში, ლიკანის სასახ-
ლე და პარკი, მინერალური წყლის „ბორჯომი“
წარმოების ისტორია, იმპერიის პირველი პო-
დროელექტროსადგური, რომანოვების ოჯახი
და ბორჯომი, რომანოვების ბიბლიოთეკა და
მრავალი სხვა).

გამოფენების ორგანიზება-განხორციელებას
უზრუნველყოფს საქართველოს კულ-
ტურული მემკვიდრეობის დაცვის ეროვნუ-
ლი სააგენტოს სამუზეუმო მიმართულების
სამსახური ბორჯომის მხარეთმცოდნეობის
მუზეუმთან ერთად.

II სართული – 288.0 მ²

- > მუზეუმის თანამშრომლთა სამუშაო
სივრცე (11.89 მ²);
- > ფონდსაცავი, ასევე, სათავსო
ექსპოზიციის მოსამზადებლად – (30.48 მ²);
- > აქ განთავსდება დამხმარე სამეცნიერო
მასალა (კატალოგები, ნახაზები, გეგმები,
ესკიზები, ფოტოები);

- > საპირფარეშო (ძველებური დიზაინი),
(4.80 მ²);
- > ღია აივანი;
- > ლიფტი შშმ პირთათვის.

1.2 კინოდარბაზი (22.01 მ²)

სივრცე შესაბამისი ტექნიკური აღჭურ-
ვით, სიზუზეუმო ფილმების, ფოტო და სხვა
სახის ვიზუალური მასალის რეტროსპექტი-
ვისათვის.

1.3 საექსპოზიციო სამი დარბაზი მუდმივი გამოფენებისათვის

1. საექსპოზიციო დარბაზი (39.41მ²)

ეპოქისა და კოლექციის ხასიათიდან გა-
მომდინარე უნდა შეიქმნას ეპოქის ატმოს-
ფეროს ამსახველი ცოცხალი სალონური
გარემო.

ელექტრონული ფორმატი (Touch screen)
უნდა იყოს წარმოდგენილი მიხილ რომანოვის
ოჯახი, აქცენტით საქართველოში და კერძოდ
ბორჯომში მოღვაწეობაზე (აქ ბმული ლიკანის
მუზეუმზე). ამ სივრცეში ექსპონირებული იქნე-
ბა მემორიალური ნივთები (ხატი ოჯახის წევრ-
თა სახელებით, ოლგას დამბაჩა, ხელსაქმის და
სამკაულის ზარდახშები და სხვ.), საოჯახო ფო-
ტოები, ავეჯი, კლავესინი, მცირე რაოდენობით
ნიგნები რომანოვების ბიბლიოთეკიდან, სახე-
თი ხელოვნების ნიმუშები (ფერწერა, გრაფიკა,
ქანდაკება – ბორჯომის მხარეთმცოდნეობისა
და ეროვნული მუზეუმის შ. ამირანაშვილის
სახელობის ხელოვნების მუზეუმების ფონდ-
ებიდან); ამავე სივრცეში სასურველია მცირე
ზომის თოჯინების ან კოსტუმირებული სილ-
უეტების საშუალებით მათი ოჯახური გარე-
მოს რეკონსტრუქცია. (მაგ. ოლგა ხელსაქმით,
ანანტასია კლავესინითან). შესაძლებელია ძვე-

ლებური ფოტოალბომის დამზადება, სადაც
განთავსდება საარქივო ფოტოები (შესაძლოა
ელექტრონულ ფორმატშიც Touch screen-ში
ჩატვირთვა).

2. ორი საექსპოზიციო დარბაზი (39.48
მ² / 69.15 მ²) სრულად დაეთმობა რომანო-
ვების საიმპერატორო ოჯახის კოლექცი-
ის ექსპონირებას. ეს არის გამოყენებითი
ხელოვნების ნიმუშები მინის, ფაიფურის,
ქაშანურის, ასევე ნახევრად ძვირფასი ქვის,
თიხის, ხის, ლითონის, ტყავის ნივთები (ქა-
რთული, აღმოსავლური, რუსული, ევროპუ-
ლი).

აქვე უნდა აღინიშნოს, რომ ჩვენს მიერ
მიკვლეულია (პროცესი კვლავაც გრძელ-
დება) ეროვნული მუზეუმის შ. ამირანაშ-
ვილისა და ს. ჯანაშიას მუზეუმებში ევროპ-
ული, რუსული, აღმოსავლური და ქართული
წარმოების ექსპონატები, რომელთა დიდი
წილი სწორედ მიხილ რომანოვის სასახლის,
შემდგომში ბორჯომის მხარეთმცოდნეო-
ბის მუზეუმის კუთვნილებას წარმოადგენდა
და სხვადასხვა დროს, სხვადასხვა მიზეზ-
თა გამო მოხვდა თბილისის ზემოსენებულ
მუზეუმებში. სასურველია ამ კოლექციათა
გამთლიანება და ბუნებრივ გარემოსა და
კონტექსტში ექსპონირება. ასეთ ვითარება-
ში მნიშვნელოვნად იცვლება საექსპოზიციო
კოლექციის ოდენობა და მასშტაბი, ის პრაქ-
ტიკულად ორმაგდება. ისტორიული გარემოს
რეკონსტრუქციის შემთხვევაში, „ახალი კავ-
ალერიის სახლის“ ეს ორი სივრცე ვერ დაიტ-
ევს ზემოაღნიშნულ კოლექციებს. ამდენად,
მათი ოპტიმალურად და ეფექტურად ექსპონ-
ირებისთვის ვფიქრობთ, მაქსიმალურად იქნას
გამოყენებული თანამედროვე დიზაინისა და
უახლესი ტექნოლოგიების შესაძლებლობები
(განათება, ვიტრინები, მულტიმედია).

III მანსარდული სართული

1.1 „ახალი კავალერიის სახლის“ მანსარდულ სართულში უნდა განთავსდეს შემდეგი სივრცეები:

- > თანამშრომლების ოთახი (20.57 მ²);
- > სამეურნეო სათავსო (4.51 მ²);
- > საპირფარეო – თანამედროვე დიზაინი, ბავშვებისთვის ცალკე სეგმენტი (3.37 მ²; 2.47 მ²);
- > საგანმანათლებლო სივრცე (40.47 მ²);
- > მედიათეკა (ბიბლიოთეკა) (84.41 მ²).

1.2 საგანმანათლებლო სივრცე (40.47 მ²)

საგანმანათლებლო სივრცის დიზაინი უნდა იყოს თანამედროვე, შესაბამისი განათებით, თბილ, ხალისიან ფერებში, ჭერში დამონტაჟდეს საკიდები, ყველა კედელზე, საექსპოზიციო მასალის გამოფენისათვის მთელ სიგრძეზე განთავსდეს ვიწრო თარო-სადგარი (კედლების დაზიანების თავიდან არიდების მიზნით); განთავსდეს ბავშვებისათვის გათვალისწინებული კომფორტული ავეჯი, შეიქმნას მაქსიმალურად შემოქმედებითი გარემო, შესაბამისი ტექნიკური აღჭურვილობა;

საგანმანათლებლო პროგრამებში ადგილობრივი სასკოლო ასაკის ბავშვების ჩართვა-მონაწილეობა დადებითად აისახება როგორც მათ განვითარებასა და აკადემიურ მოსწრებაზე, ისე მოტივაციის ზრდაზე.

საგანმანათლებლო პროგრამების დაგეგმვა-განხორციელება მოხდება სააგენტოს საგანმანათლებლო სამსახურის კოორდინაციით;

1.3 მედიათეკა (ბიბლიოთეკა) (84.41 მ²)

საგანმანათლებლო სივრცის მსგავსად, მედიათეკის დიზაინიც უნდა იყოს თანამედროვე და შესაბამისობაში მის ფუნქციურ დატვირთვას.

მედიათეკამ უნდა შეითავსოს მეცნიერ-თანამშრომელთა სამუშაო სივრცეც.

იგი მოემსახურება როგორც მკვლევარებს, ისე ადგილობრივ მოსწავლე-ახალგაზრდობას. რომელთაც მიეცემათ ადგილზე სხვადასხვა ხასიათის ლიტერატურის გაცნობის საშუალება, როგორც მყარი, ისე ელექტრონული ფორმით.

მედიათეკაში ელექტრონულ ფორმატში მისაწვდომი იქნება ბორჯომის შესახებ არსებული საარქივო მასალა და სამეცნიერო ლიტერატურა, ბორჯომის მხარეთმცოდნეობის მუზეუმის კოლექციები, ასევე, ბორჯომის შესახებ საქართველოს ეროვნულ მუზეუმსა და ეროვნულ არქივში დაცული დოკუმენტური და ფოტომასალა, საქართველოს ეროვნული სააგენტოს გამოცემები (წიგნები, ალბომები, სამეცნიერო ჟურნალები და კრებულები) და მრავალი სხვა.

თანამედროვე ტექნიკით (კომპიუტერი, სკანერი და სხვ.) აღჭურვილი მედიათეკის სივრცე მნიშვნელოვნად შეუწყობს ხელს ადგილობრივი ახალგაზრდების საგანმანათლებლო-ინტელექტუალური დონის ამაღლებას და მათი მოტივაციის ზრდას. ასევე, მოსახერხებელი იქნება როგორც სამეცნიერო კვლევით დაინტერესებულ ადგილობრივთათვის, ასევე, ბორჯომში დროებით მივლინებული ქართველი და უცხოელი მკვლევარებისათვის.

„ახალი კავალერიის სახლის“ მუზეუმში, სხვა მუზეუმებთან კომპლექსში, მნიშვნელოვნად გაზრდის დაინტერესებული დამთვალიერებლის რაოდენობას. მუზეუმში არ-

სებული სერვისები (ვიზიტორთა ცენტრი, ლიტერატურული კაფე, წიგნებისა და სუვენირების მაღაზიები, ბიბლიოთეკა-მედიათეკა, საგანმანათლებლო პროგრამები) შექმნის კურორტზე დასვენებისა და დროის სასიამოვნოდ გატარებისთვის კომფორტულ გარემოს.

ახალი სამუშაო ადგილები – სამუზეუმო შტატი, ტურისტებისა და კაფეს ფუნქციონირებასთან დაკავშირებული მომსახურება, ადგილობრივი რეწვა, სუვენირების, ბეჭდური და ადგილობრივი პროდუქციის რეალიზაცია, სარესტორნო და სასტუმრო ბიზნესის ხელშეწყობა – ყოველივე ეს გაზრდის როგორც ადგილობრივი, ისე უცხოელი ტურისტების დაინტერესებას.

ამდენად, ბორჯომში „კავალერიის კორპუსის“ რეაბილიტაციისა და სამუზეუმო ადაპტაციის, სრულფასოვანი, თანამედროვე ინფრასტრუქტურის შექმნის შედეგად, გარდა კულტურული მემკვიდრეობის ძეგლის ფიზიკური გადარჩენისა და ახალი სამუზეუმო, შექმენებით-კულტურულ-საგანმანათლებლო სივრცის შექმნისა, ჩვენ მნიშვნელოვნად ვუწყობთ ხელს როგორც მხარის, ისე ქვეყნის ეკონომიკურ წინსვლას.